

Daniele o Reetsa Jehofa

DANIELE KGAOLO 1

JERUSALEMA E NE E LE MO MATHATENG. MASOLE A A THATA A BABELONA A NE A DIKOLOGILE MOTSE OO LE GO TSHWARA BATHO BA ONE.

MASOLE A BABELONA A ILE A TSAYA DILO TSE DI NENG DI LE MO TEMPELENG YA GA JEHOFA.

GAPE BA ILE BA TSAYA BANA BA BANNYE.

KE TLILE GO GO GOPOLA THATA NGWANAKA!

LE FA O LE KGAKALA LE RONA, O SE KA WA LEBALA GORE RE A GO RATA.

DANIELE NGWANAKA, O SE KA WA TLOGELA JEHOFA. O MO REETSE KA DINAKO TSOTLHE.

KE TLA DIRA JALO PAPA.



DANIELE LE BANA BA BANGWE
BA GOROGA MO BABELONA.

LEFEO
LENO LE
LENTLE
THATA!

KE SIMOLOLA
GO BONA
LEFEO LE
LENTLE
JAANA.

GO
GONTLE!

MABOTA A TENG
A MAGOLO E BILE
GO REKISIWA
SENGWE LE
SENGWE.

BA TLILE GO
DIRANG KA
RONA?




RE TLILE
GO DIRANG
FANO?

GO ILE GA FETA DINGWAGA DI LE THARO BATHO BA
BABELONA BA LEKA GO RUTA BANA BA ISERAELE DILO
TSA KWA BABELONA.

LO MO BABELONA.
KGOSI YA RE LO
TSHWANETSE GO NEWA
MAINA A SEBABELONA LE
GORE LO ITHUTE PUO YA
MO BABELONA . . .

. . . LE GO
JA DIJO TSE DI
MONATE TSA MO
BABELONA.





BATHO BA MO BA JA NAMA
YA DIPHLOGOLO TSE
MOLAO WA MODIMO O RENG
RE SA DI JA E BILE GA BA
TSHOLOLE MADI FA BA
TLHABA. BA NAYA MEDIMO YA
MAAKA DIJO. GA RE A
TSHWANELA GO DI JA!

KGOSI KE YONE E
RENG RE DI JE. A RE
DIRENG SE KGOSI E SE
BATLANG . . .




RE
TSHWANETSE
GO REETSA
MOLAO WA
MODIMO.



MOLAO WA
MODIMO O BEREKA
KWA ISERAELE
DANIELE, E SENG
MO BABELONA.



MOLAO WA MODIMO
KE MOLAO WA
MODIMO. RE
TSHWANETSE GO O
REETSA LE FA RE SE
KWA ISERAELE.



BATSADI BA RONA
LE BAPERESITI GA
BA YO MO
BABELONA. GA BA
KITLA BA RE BONA.



RE DUMALANA LE
WENA DANIELE
GORE RE
TSHWANETSE GO
REETSA JEHOFA.

DANIELE, HANANIA, MISHAELE LE ASARIA BA ILE BA BUA LE RRE YO O NENG A BA TLHOKOMETSE.

LEINA LA MODIMO WA RONA KE JEHOFA, MME RE BATLA GO MO REETSA.

LO BATLA GORE KE DIRENG?

RE KOPA GO JA MEROGO FELA LE GO NWA METSI KA MALATSI A LE LESOME.

MME O BONE GORE A RE TLA TSHWANA LE BANA BA BANGWE.

GONGWE BANA BA BANGWE BA ISERAELE BA NE BA NAGANA GORE DANIELE LE DITSALA TSA GAGWE KE DIMATLA. KGOSI E NE E BATLA GORE BA TSEHE MONATE LE GORE BA JE DIJO TSE DI MONATE!

MME DANIELE LE DITSALA TSA GAGWE BA NE BA DIRILE TSHWETSO YA GORE BA BATLA GO REETSA JEHOFA. A JEHOFA O ILE A BA SEGOFATSA?

MORAGO GA MALATSI A LE
LESOME, RRE YO O NENG A BA
TLHOKOMETSE O NE A **BITSA**
BANA BOTLHE.

GA LO **TSHWANE** LE
BANA BA BANGWE!
LO LEBEGA LO LE
BOTOKA GO BA
GAISA!

MORAGO GA DINGWAGA TSE THARO,
BASIMANE BA BANÉ BA ILE BA ISIWA KWA
KGOSING. GO ILE GA FITLHELWA GORE BA
BOTLHALE GO GAISA BANA BA BANGWE MME
BA ILE BA BEREKA MO NTLONG YA **KGOSI**.

JEHOFA LE ENE O NE A LE MOTLOTLO KA
DANIELE. JEHOFA O ILE A NAYA DANIELE
BOTLHALE JWA GORE A KGONE GO
TLHALOSA DITORO TSA **KGOSI**.

POLELO ENO E RE RUTA ENG?

KE ENG SE SE NENG SE KA DIRA
GORE DANIELE LE DITSALA TSA GAGWE
BA SE KA BA REETSA JEHOFA LE GO MO
TSHEPA?

SE SE KA THUSANG: DANIELE 1:4.

KE ENG SE SE DIRILENG GORE DANIELE A
REETSE JEHOFA MME A GANE GO REETSA
KGOSI?

SE SE KA THUSANG: PESALEMA 119:112;
DANIELE 1:8.

KE ENG SE SE TLA GO THUSANG GO
REETSA JEHOFA LE FA O LE KGAKALA LE
BATSADI BA GAGO?

SE SE KA THUSANG: DIANE 15:3;
1 JOHANE 5:3.

JEHOFA O ILE A DIRA GORE
DANIELE A LORE DITORO TSE DI
NENG DI BUA KA DILO TSE DI
TLA DIREGANG MO **ISAGWENG**.